



Broj: 17-25-9025-10/22.
Zenica, 08.08.2022.godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH”, broj: 39/14), na preporuku Komisije za provedbu postupka javne nabavke za „Nabavka i isporuka potopnih pumpi za prljavu vodu i agregata za struju” za potrebe Kantonalne direkcije robnih rezervi Zeničko-dobojskog kantona, putem konkurentskog postupka javne nabavke i Zapisnika o pregledu i ocjeni ponuda, broj: 17-25-9025-8/22. od 05.07.2022. godine, direktor Kantonalne direkcije robnih rezervi Zeničko-dobojskog kantona, donosi:

ODLUKU **o izboru najpovoljnijeg ponuđača**

1. Prihvata se preporuka Komisije za javnu nabavku iz Zapisnika broj: 17-25-9025-8/22. od 05.07.2022. godine i ugovor za „Nabavku i isporuku potopnih pumpi za prljavu vodu i agregata za struju” za potrebe Kantonalne direkcije robnih rezervi Zeničko-dobojskog kantona dodjeljuje se ponuđaču „INTER-COM“ D.O.O. ZENICA, kao prvoplasiranom na rang listi, u ukupnoj vrijednosti bez PDV-a 24.600,00 KM.
2. Izabrani ponuđač kojem se dodjeljuje ugovor dužan je dostaviti dokumente iz člana 45. navedene u tački 3.1, u roku od 5 (pet) dana od dana prijema Odluke o izboru najpovoljnijeg ponuđača.
3. Nakon pravosnažnosti ove Odluke, izabranom ponuđaču iz tačke 1. ove Odluke dostavit će se prijedlog ugovora o nabavci.
4. Ova odluka objavit će se na službenoj stranici Zeničko-dobojskog kantona <http://www.zdk.ba/>.
5. Za realizaciju ove Odluke zadužuje se Kantonalna direkcija robnih rezervi Zeničko-dobojskog kantona.

O b r a z l o ž e n j e

Kantonalna direkcija robnih rezervi Zeničko-dobojskog kantona je na osnovu Odluke o pokretanju postupka broj: 17-25-9025/22. od 13.06.2022. godine, pokrenula postupak javne nabavke: „Nabavka i isporuka potopnih pumpi za prljavu vodu i agregata za struju”. Javna nabavka je provedena po konkurentskom postupku za dostavljanje ponuda sa predviđenom e-aukcijom. Procijenjena vrijednost javne nabavke bez PDV-a je 24.786,00 KM.

Za predmetnu nabavku objavljeno je obavještenje o nabavci na portalu javnih nabavki pod brojem: 948-7-1-6-3-3/22 dana 16.06.2022. godine. Komisija za provođenje postupka javne nabavke, koja je imenovana Rješenjem broj: 17-25-9025-1/22. od 13.06.2022. godine, blagovremeno je izvršila javno otvaranje ponuda, sačinila i dostavila Zapisnik o otvaranju ponuda, broj: 17-25-9025-7/22. od 05.07.2022. godine, te konstatovala da su u predviđenom roku i u uredno zatvorenim kovertama pristigle 3 (tri) ponude od slijedećih ponuđača: „Inter-com“ d.o.o. Zenica, „ITC Zenica“ d.o.o. Zenica i „O-mega-III“ d.o.o. Sarajevo.

Zapisnikom o pregledu i ocjeni ponuda broj:17-25-9025-8/22. od 05.07.2022. godine Komisija je utvrdila:

- da je ukupan broj pristiglih ponuda 3 (tri),
- da je blagovremeno zaprimljeno ukupno 3 (tri) ponude,
- da nema neblagovremeno zaprimljenih ponuda.

Komisija za provođenje postupka javne nabavke izvršila je detaljnu analizu blagovremeno pristiglih ponuda, te utvrdila sljedeće:

- odbacuje se ponuda ponuđača „O-mega-III“ d.o.o. Sarajevo jer rok važenja ponude nije u skladu sa tačkom 4.9. Tenderske dokumentacije, gdje je navedeno da ponude važe najmanje 60 dana od krajnjeg roka za podnošenje ponuda, a ponuda ponuđača „O-mega-III“ d.o.o. Sarajevo važi 30 dana;
- ponuda ponuđača „O-mega-III“ d.o.o. Sarajevo ne ispunjava zahtjeve iz Specifikacije tražene tenderskom dokumentacijom u dijelu Aneksa III, gdje su utvrđena odstupanja: Potopna pumpa za prljavu vodu, tenderskom dokumentacijom je traženo snaga 500 W maks., a u ponudi je navedeno, snaga 0,75 KW ili 1,0 ks; tražena dubina povlačenja (usisna dubina) je min. 7 m, a u ponudi je navedeno 5 m; max. temperatura vode je 35°C tražena, a ponuda glasi na 40°C i u tenderskoj dokumentaciji traženo je da težina iznosi maks. 7 kg, a u ponudi stoji težina 10,7 kg. Agregat za struju, u tenderskoj dokumentaciji je navedeno da traženi kapacitet rezervoara je maks. 25 l, a u ponudi je navedeno 30 l i da je pokretanje reverzibilno i elektrostart, a u ponudi je navedeno ručno.
- ponuda ponuđača „O-mega-III“ d.o.o. Sarajevo ne ispunjava zahtjeve iz tenderske dokumentacije, te se odbacuje u skladu sa članom 68. stav (4) tačka i) Zakona o javnim nabavkama.
- ponude ponuđača „Inter-com“ d.o.o. Zenica i „ITC Zenica“ d.o.o. Zenica ispunjavaju uslove za učešće u kvalifikacijama i tehničke karakteristike, te druge uslove propisane od strane ugovornog organa.

E-aukcija je završena dana 15.07.2022. godine u 11,15 sati, što je i potvrđeno u Izvještaju o toku i završetku e-aukcije.

Početna rang lista je bila kako slijedi:

R/b	Naziv ponuđača	IDB/JIB	Početna cijena u KM bez PDV-a	Početni rang
1.	„INTER-COM“ DOO ZENICA	4218087760006	24.600,00	1.
2.	„ITC ZENICA“ DOO ZENICA	4218146790003	24.786,00	2.

Konačna rang lista ponuđača koji su pozvani da sudjeluju u e-aukciji je sljedeća:

R/b	Naziv ponuđača	IDB/JIB	Konačna cijena u KM bez PDV-a	Konačni rang
1.	„INTER-COM“ DOO ZENICA	4218087760006	24.600,00	1.
2.	„ITC ZENICA“ DOO ZENICA	4218146790003	24.786,00	2.

U skladu sa navedenim, Komisija je dala preporuku ugovornom organu za donošenje odluke o izboru ponuđača „INTER-COM“ d.o.o. Zenica kao najpovoljnijeg ponuđača za predmetnu nabavku.

Kako u postupku ocjene provedenog postupka nabavke nisu utvrđeni razlozi, nepravilnosti ili propusti u radu Komisije, a koji bi eventualno bili osnov za neprihvatanje preporuke Komisije, to je cijeneći sve naprijed navedeno odlučeno kao u dispozitivu ove Odluke.

Pouka o pravnom lijeku

Protiv ove Odluke može se izjaviti žalba u roku od 5 (pet) dana od dana prijema ove Odluke. Žalba se izjavljuje Uredu za razmatranje žalbi, putem ovog ugovornog organa, u pisanoj formi na način propisan članom 99. i 101. Zakona o javnim nabavkama.

Dostavljeno:

1x „INTER-COM“ D.O.O. ZENICA
1x „ITC ZENICA“ D.O.O. ZENICA
1x „O-MEGA-III“ D.O.O. SARAJEVO
1x Komisiji za provođenje postupka
javne nabavke
1x a/a

 **DIREKTOR**
mr. Zoran Martinović, dipl.ing.

Prilog:

- Zapisnik o pregledu i ocjeni ponuda
broj: 17-25-9025-8/22. od 05.07.2022. godine
- Izvještaj o toku i završetku e-aukcije

